

成造軍器各布政司等處拘解價銀赴
部收貯以備支用

成化十五年八月初六日太子少保工部尚
書王十等題為成造軍器事該虞衡清吏司
案呈送本部送據軍器鞍轡二局申將會計
成造軍器合用各色物料拜會無數目開
申送司案查先奉本部送成化十五年五月二
十六日該司札監太監覃昌李榮送出

欽降明盔長身皮穿明甲釘絲釘釘襖甲黑漆弓并絃箭
樣各一件揭帖一本到司內開明盔四色共
五萬二千二百二十五項長身皮穿明甲一
十二條掠膝皮穿明甲二百四十三付約絲
釘釘襖甲二千付青布青釘甲五萬付黑玉

弓五萬二千二百五十五張絲絃一十萬四千五百一十條箭一百五十六萬七千六百五十枝撒袋五萬一千二百五十五付刀五萬二千二百五十五把續於本年六月初九日又該送出黑漆刀一把黑漆羊皮撒袋一付式樣到部通行盔甲廠收貯每樣先行成造一付完備送付教場試驗外續該

御馬監太監江口題該工部行文成化十五年五月二十六日該司禮監太監覃昌李康送出

欽降明盔長身皮穿明甲紵絲釘釘襖甲黑漆弓并絃箭樣各一件本年六月初九日又該出送黑刀一把黑漆羊皮撒袋一付公同太監密英等戶覓兵仗局等衙下班慣熟高手人匠相與

本廠匠役併工每樣依式成造各一件完備進呈伏乞

御覽轉發試驗如果堪中照依所造式樣用過物料實數會計該用物料閱支買辦依式成造內弓張原係大暑時月膠漆未得堅固亦照原式成造一張見在原係成造軍器事理未敢擅便開坐具題成化十五年六月二十四日本部官於

奉天門奏奉

聖旨是總部裏將去教場同他每試驗欽此本月二十六日該本部尚書王等同匠作送到明盔四項長身皮穿明甲一付棕膝皮穿明甲一付青紵絲釘兒甲一付青布釘兒甲一付黑

漆刀一把黑漆羊皮撒袋一付箭三千枝絃
壹條前來臣會同太監劉桓總兵官太子太
保撫寧侯朱永太子太保兵部尚書兼都察
院左都御史王公同試驗得明盛明甲青
布釘兒甲撒袋腰刀并箭頭鋼硬俱各堪中
內青絃絲釘兒甲射透及箭桿軟納不堪禦
敵除弓号外合無乞

勅該部將堪中盔甲照樣成造不堪青絃絲釘兒甲箭桿
如法再造完備送來試驗具題成化十五年

六月二十七日日本部官於

奉天門欽奉

聖旨是工部知道欽此欽遵抄出送司本年七月十三日
又將該造完青絃絲釘兒甲并箭桿送赴教

場會同試驗堪中及盔箭該用鵬翎羊甸皮
不敷兼用鴈翔黑真黃牛皮有驗皆可已行
該局計料去後今據前因查得先據軍器鞍
轡二局申將成化十五年四季該造軍器物
料結申送司已該本部題

准行移甲子等庫關領及分派浙江等布政司并順天直
隸蘇松府州縣買辦未完近該成造前項軍
器又經題

准將該廠季造軍器暫且停止除春夏二季先已支料成
造外所據秋冬二季原會物料俱各改鑿今
次會無派辦之數案呈到部欲將會有青紅
絃絲闊白布芋布荒絲闊生絹熟鉄等料先
行

內府承運等庫照數放支該變者染着落順天府大興宛平二縣染戶掉絡變染該閩勘合後補條照水膠皮作局煎熬會無物料除將原會秋冬二季之數改輾外其鵬翅稍翎并皂鵬翎鴈翎莖莖鉄線網鉄香油銀珠闊細白綿布紅纓無節竹箭桿等料行移順天府着落大興宛平二縣委官拘集舖行兩平收買但前項物料數多街市小民因見官買多有隱藏不肯出賣間有賣者又要高增價值況今用價銀動以萬計合照收買段疋事例都察院委御史一員本部委屬官一員督同該府縣官公同估計兩平收買物料就送盛甲廠交收價銀該府具數送赴本部收貯各處解到

弓箭價銀并木料銀內支給藝買銅鉄等鐵本部仍差官一員前去遵化鐵廠主事馬絃處支領沿途軍衛有司應付夫車裝運退毛白硝熟山綿羊等皮熟鉄砧於各處解到歲辦領下改送該廠交收青土蓋爐斜席磨刀石於委官主事楊奉春撥因於該廠採取般運磁木本部照例撥匠陸續採拾松楸柳檀木把柴於通州等處分竹木局磚灰於磚灰廠柳木墩於柴炭司各領用數內鵬翅稍翎并皂鵬翎街市收買一時不敷恐誤工程欲便另支價銀差官分投齎赴遼東大同宣府交與巡撫官處轉發產有地方收買欠少無節竹箭桿莖莖鉄線網鉄油香纓生漆墨料

皮黑真黃牛皮榜紙檀板木等料本部亦差
官前浙江等布政司并直隸廬州等府州督
令各該官司應買辦者照例支給官錢於產
有之處兩平收買應採辦者採辦完備作急
解納本部差去官員合用馳駟廩給俱行兵
部照例應付水和炭行在京兩法司間撥有
力囚人并順天府直隸真定等府撥夫於西
山齋堂廠般運木柴木炭行移

欽差太子少保本部尚書萬處撥夫採燒運用仍行

欽差太監甯英等督令軍器鞍轡二局官吏匠作并雇覓

街市人匠上緊成造其本廠人匠舊例分作

兩班每班每月止給食米一斗五升見今工

程緊急不許分班着令常川上工仍行戶部

每月照數支給食米三斗本部量添買鹽菜
銀四錢其各作占用火頭并

欽撥跟官人匠不許在內一槩混同妄闕事發該管官員

人等一體究治工完之日照舊分班住支再

照各處解到歲造弓箭絃多不如法不堪應用

解來價銀估計太少不勾買辦合無照依先

次原擬徵收銀兩事例量為增價行移浙

江等布政司并直隸蘇松等府州除成化十

五年分該造弓箭絃照舊造解外共成化十六

年以後造弓箭絃免其成造每弓一張徵銀

六錢二分箭一枝徵銀三分弦一條徵銀伍

分照依年分徵收完足類總煎銷成錠差委

的當官員星馳押解赴部收貯在官以脩支

用其各處置辦物料及徵收價銀自文書到日為始俱限一月以裏辦完各照水程到部如是過違限期先將差來人員叅送法司問罪司府州縣官員另行叅

奏等間如此度得物料易為完備軍器不致違誤緣係動支官錢開派買辦物料成造軍器及奉

聖旨是工部知道事理未敢擅便奏奉聖旨是欽此

各季歲造軍器巡按御史按季查盤

成化十六年九月二十日戶部尚書陳等

題

計開

一件該左副都御史張瓚題據直隸徐州申照得本州并所屬沛四縣每歲該辦徐左二衛成造軍器價銀七百七十六兩四錢有零解衛成造軍器成化十一年奉工部勘合仰將左衛軍器有行查盤於有司入庫此因無庫暫將預備倉空廩收閤經今五年之上未蒙取用即目按臨造完軍器又該盤貯本州歲後一歲新省愈加增多舊者不免繡壞合無將成化十五年以後改造軍器量為輕減